

翻譯名叢書

四



1 2 3 4 5 6 7 8 9 40m 1 2 3 4 5 6 7 8 9 40m 1 2 3 4 5 6 7 8 9 40m



翻譯名義集四

姑蘇景德寺普潤大師

春翠
文庫

法雲 編

聰明三藏第三十九

十二分教第四十

律分五部第四十一

論開八聚第四十二

示三學法第四十三

辨六度法第四十四

釋十二支第四十五

明四諦法第四十六

止觀三義第四十七

衆善行法第四十八

總明三藏篇第三十九

一經藏二律藏三論藏經藏則判定因果窮究性相
律藏則垂範四儀嚴制三業論藏則研真顯正嚴篤
摧邪同出一音異隨四悉用顯圓明之修多羅
理式開解脫之門致立三藏之教也 修多羅

或修單蘭或修妬路西域記名素怛覽舊曰修多羅訛也或言無翻舍五義故撫華云義味無盡故喻涌泉能生妙善故號出生揩定邪正故譬繩墨能示正理故名顯示貫穿諸法故曰結鬘含此五義故不可翻出雜心論或言有翻妙玄明有五譯一翻經二翻論三翻法本四翻線五翻善語教天台定云今且據一名以為正翻亦不使二家有怨何者從古及今譯梵爲漢皆題爲經若餘翻是正何不改作線契若傳譯僉然則經正明矣以此方周孔之教名爲五經故以經字翻修多羅然其衆典雖單題經諸論所指皆曰契經所謂契理契機名契經也撫華云契理則合於二諦契機則符彼三根經者訓常訓法妙玄云天魔外

道不能改壞名爲教常真正不雜無能踰造名爲行常湛然不動決無異趣名爲理常又訓法者教可軌行可軌理可軌佛地論云經者貫攝爲義貫穿所應知義攝持所化衆生慈恩云爲常爲法是攝是貫常則道軌百王法乃德模萬象攝乃集斯妙義貫乃御彼庸生庶令同出苦津終歸覺岸

毗奈

耶或毗尼什師云毗尼秦高善治謂自治婬怒癡三業制伏過非調練通於止作制伏唯明止惡就所詮之行彰名調伏之藏四教義云此翻滅謂佛說作無作戒能滅身口之惡是故云滅圓覺略錢云滅有三義一滅業非論第一云滅惡二滅煩惱律云世尊謂調伏貪

真癡令盡故三得滅果戒經云戒淨有智南山云毗

制增上戒學惠便得第一道尼翻滅從功能爲名非正譯也正翻爲律律者法也

從教爲名斷割重輕開遮持犯非法不定俗有九流法流居一故世律法皆約刑科道與俗違刑名乃異

至於處斷必依常法父饗云以此方法律之名翻彼土奈耶之語律者誣也誣量輕重犯不犯等風俗通日臯陶謨虞造律律訓誣訓法尚書大傳曰承天之大律注云奉天之大法法亦律也此方律名起於舜

世漢蕭何以為九章漸分輕重委悉也

西域記云毗奈耶藏舊訛云毗那耶

阿毘曇

或云阿毗達磨此云無比法謂無漏法慧爲最勝故四教義曰無比法聖人智慧分別法義也新云阿毗

達摩此云對法對有二種一者對向謂向涅槃以乘

無漏聖道之因感趣涅槃圓極之果二者對觀對觀

四諦謂以淨慧之心觀察四諦之法故名對也法有二種一者勝義法謂擇滅涅槃云二法相法即通四

聖諦

云問若據此義合云對法藏今隱對法之名但

云慧論者如何答此乃隨方之聲也梵語奢薩怛羅

此云論梵語摩怛理迦此云本母本母能生妙慧妙

慧因論而生故展轉翻爲論也瑜珈論云問答決擇

諸法性相故名論英師傳云舊曰優波提舍訛也正云鄖波弟鐸後分經云摩達磨

俱舍

云

比吒或云摘迦此翻爲藏即包含攝持之義非藏無以積錢財非藏無以蘊文義故攝論云何名爲藏答

由能攝故謂攝一切所應知義無令分散故名為藏
四教義云今言三名各含一切文理故名藏也阿含
即定藏毗尼即戒藏阿毗曇即惠藏今問經云貪著
小乘三藏學者且三藏之名既通大小二教何故法
華判局小乘答曰三藏屬小允有二義一者小乘三
藏皆佛所說始出耀經云佛在波羅奈仙人鹿野苑
中告五比丘此苦原本本所未聞本所未見廣說此
法爲契經藏佛在羅閱城時迦蘭陀子名須陳那出
家學道最初犯律故說戒藏佛在毗舍離見跋耆子
本末因緣告諸比丘諸無五畏恚恨之心者便不墮
惡趣亦復不生入地獄中廣說如阿毗曇是知小乘
俱是佛說斯異大乘論藏自屬菩薩之所造也二者

小乘三藏部帙各別大乘經律二藏混同是故法華
判其三藏屬小乘也又大論處處以摩訶衍併三藏
法非大菩薩先德妄破天台立教此由失究經論所
以問法華旣云三藏學者大論安云佛在世時無三
藏名答佛滅度後阿難結集修多羅藏優波離結集
毗奈耶藏迦葉結集阿毗曇藏是則法華梵本恐無
此名多是釋師加三藏名顯小乘教如今經自餘諸
品皆是結集者所置也問今列三藏依何詮次答四
教義云說時非行時教起之次阿含爲先修行之初
木叉爲首故出耀經說教次第先經次律而後論也
四教儀以論居中者以經是所解論是能釋故先經
而次論然觀諸文前後非一亦各隨入不可確執苟

以義局徒自弔肩或標四藏者大論四名雜藏或言五藏者西域記云四名雜集藏五名禁咒藏以上座部唯結三藏若大衆部別爲五藏又經音義列八藏一胎化藏二中陰藏三摩訶衍方等藏四戒律藏五十住菩薩藏六雜藏七金剛藏八佛藏

六十二分教第四十

附別明經藏
出衆題

竊以理超四句教攝群機散華貫華之殊應頌孤頌之別或有請以敷演或無問而自陳本事本生談理談喻半籠妄識統會直源病有萬殊藥無一準故教部類開十二分發軫曰長行重頌並授記孤起無問而自說因緣辭喻及本事本生方廣未曾有論義共成十二名廣出大論三十三作多

四維

此云契經有通有別通則修多羅聖教之都名別則妙玄云直說法相者是別修多羅如說四

諦等也所言別者雜集論云謂長行綴葺略說所應說義

祇夜

此云重頌妙玄云重頌上

直說修多羅也亦和伽那

此云授記達磨欝多羅云聖言說與名授

果爲心期名記妙玄云說九道劫數當得作佛首楞嚴經明四種記一未發心記或有流轉六道往於人

間好樂佛法過百千萬億劫當發心過百千萬億阿僧祇劫行菩薩道供佛化入皆若干劫當得菩提名

疏云離未發心而與記也如佛祇洹林邊爲鵠雀授記又云約四教位者雖是具縛凡夫及二乘方便若

有四教大乘機二適發心與記是人久種善根好樂雖未發心而記

大法有慈悲心住不退地故發心與記淨名疏云現發心與記前即內凡道

三密爲記有菩薩未得記而行六度功德滿足

發心與記

天龍八部皆作是念此菩薩幾時當得菩提劫國弟

子衆數如何佛斷此疑即與授記舉衆皆知此菩薩

獨不知

淨名疏開何故密記答有菩薩心行未熟若即三教授記心則放逸不得現前受記又云密記外九位

四無生現前記於大衆中現前得無生顯露

與記淨名無生取三教見真位

伽陀此云孤起妙玄云不重頌者名

偈梵本略也或曰偈他梵音訛優陀那此云無也今從正音宜云伽陀唐言頌問自說妙玄云如佛在舍婆提毗舍佉堂上陰地經行自說優陀那所謂無我無我所是事善哉尼

陀那

此云因緣妙玄云修多羅中有父問故為說是事毗尼中有父犯是事故結是戒一切佛語緣起

阿波陀那

此云辭喻止觀云月隱重山舉扇喻之風

事皆名因緣

阿波陀那

此云辭喻止觀云月隱重山舉扇喻之風

息太虛動

伊帝目多伽

此云本事妙玄云此說他事如佛將淨飯

樹訓之

伊帝目多伽

此云本事妙玄云此說他事如佛將淨飯

五百人歸國說

闍陀伽

此云本事妙玄云此說他事如佛將淨飯

三因緣之偈也

闍陀伽

因本曾爲事也顯揚論云本事者謂如來說聖弟子前世等事本生謂如來說菩薩本所修行相應等事

毘佛

此云方廣妙玄云此從所表爲名

阿浮達

此云方廣之理正理爲方包富名廣

摩此云未曾有妙玄云佛現優波提舍逐分種種神力衆生怪未曾有

優波提舍此云

別所說義翻論義妙玄云答其問者釋其所以西域記云鄖波弟禪舊訛云優波提舍今問如法華云我此九部法隨順衆生說入大乘為本何故小教唯九部耶答此以大教而形今小宗則奪小乘義唯九部故妙玄云小乘灰斷無如意珠身故無方廣小乘根鉢說必假緣非天鼓任鳴少無問自說雖有授記記作佛少別論雖無通說亦有故妙玄云小有記前六道因果阿含亦授弥勒佛記亦有自唱善哉無問自說聲聞經以法空爲大空斯乃小乘亦通十二復次若以小教而顯大乘則彰大乘義亦唯九以無因緣譬

翁論義三部故妙玄云有人云大乘根利不假此三斯亦別論通語大乘何得無此三經然此十二分經舊名十二部者妙玄云部別各有類從也新譯恐濫部帙改名爲分二教論云窮理盡性之格言出世入真之軌轍論其文則部分十二語其旨則四種悉檀理妙域中固非名號所及化檀繫表又非情智所尋至於遺累亡筌陶神盡照近超生死遠證涅槃播闡五乘接群機之深淺該明六道辨善惡之升沉戛正休期出世而法無不周迹比玉化而事無不盡能博能要不質不文自非天下之至盧孰能與於斯教哉

阿含

正云阿笈多此云教妙樂云此云無比法即言教也唯識論云謂諸如來所說之教長阿

舍序云阿含者秦言法歸所謂萬法之淵府揔持之林苑也法華論解其智慧門爲說阿含義甚深涉法師云阿含此云傳所說義是則大小二教通號阿含而小乘中別開四部謂增一阿含明入天因果二長阿含破邪見三中阿含明諸深義四雜阿含明諸禪法以四阿含爲轉法輪設教之首別得其名嵩輔教編由珠通別猶豫首楞嚴大論秦言健相分別不決其詞則枝預知諸三昧行相多少

深淺如大將知諸兵力多少也菩薩得是三昧諸煩惱魔及魔人無能壞故譬如轉輪聖王主兵寶將所住至處無能壞伏故名健相三昧也大經云首楞嚴者一切事竟嚴名堅固一切畢竟而得堅固名首楞嚴

是故首楞嚴定名爲佛性慈恩翻爲金楞伽言

剛藏此諸菩薩證此定故以是爲名

薩達磨芬

駿鄧迦佛住南海濱入楞伽國摩羅耶山而說此經梵語楞伽此云不可往唯神通人方能到也阿跋多羅此云入謂入此山中而說此寶或翻無上謂此經法是無上寶

陀利

此云妙法蓮華天台云妙名不可思議法

法也慈恩云蘊宏綱之極唱旌一部之都名法含軌持綰群祥以稱妙華兼秀發揔衆羨而彰蓮

般舟

此云佛立亦名十方現在佛悉在前立定

經經云持佛威神於三昧中立者有三事

持佛威神力持佛三昧力持本摩訶祖持止觀功德力用是三事故得見佛

翻大秘要遮惡持善秘要祇是實相輔行云顯非偏小故名為大一切法即一法故名秘一法攝一切法

故名

孟蘭盆

孟蘭西域之語轉此翻倒懸盆是

式貢三尊仰大衆之恩光救倒懸之窘急義當殺倒懸器行仁政民之悅之如解倒懸國應法師云孟蘭言訛正云烏藍婆

修跋拏

此言金

婆頗婆此言

光鬱多摩

此言明天台言法性之法可尊可貴名法性爲金此法性寂而常照名爲

光此法性大悲能多利益名爲明此三字題玄義別釋乃立五科文雖明著入自固迷或言從法而立號或曰單譬以爲題或文義以兩存欲利鈍而齋濟宮商各奏丹素競舒旣惑異端孰能一貫余因臨講遂輒議之觀此題之旨也依文正意推在於法就名旁通乃該於喻所謂佛入禪那妙契原寂遂唱真號以赴利機欲令安住於其中故從當體而立稱是以依文唯在於法雖義推譬喻無有一文而名通世象似與喻同無妨鈍根而作譬解是故就名旁通於喻雖利鈍兼攝法喻咸通佛元意故文之旨故七種立題當單法也問搜玄錄據玄義云若利根人即法作譬既云作辭豈是單法此之一難誰可通乎答曰根鈍

者以金光明為物象之號根利者以金光明是法性之名此則即用顯體金寶是真如乃知全性成相真如為金寶故云即法作譬既解即法作辭則了全事是理所以利人不假譬喻故妙玄曰利根即名解理不假譬喻但作法華而解慈意幽深遂語奚曉問迹來匠者解此經題分文義之二途定法喻之兩向人旣僉允獨何不從答文是能顯義是所詮能詮之文必召所詮之義所詮之義必應能詮之文今若抗分則成水火余不用者由過在斯問先達立隨機之義以伸此題待人問云法耶喻耶乃應之曰為問利根爲問鈍根若問利根即是單法若問鈍根即是單辭此義通方何藉重釋答隨機雖爾其如佛唱此名爲

依法立爲作喻陳是則祇圖答問縱橫不顧釋名淆混問四明記文據經定題言從法立及乎釋義云被二根淨覺謂自語相違前後矛盾未知此斥義實然乎答曰此不可也何哉言從法立者依文之正意也云被二根者就名之旁通也祇由題旨含蘊遂致釋義通方其有瑕者但不合云順古作譬不知其喻出百題名由是轉伸管見粗述大綱欲以塵霧之微少益山海之廣遂附此集流布四方冀觀覽者塞其情焉

樓炭 此翻成敗

律分五部第四十一

世尊成道三十八年赴王舍城國王食訖令羅云洗

獮失手搆鉢以為五片是日有多比丘皆白佛言鉢
破五片佛言表我滅後初五百年諸惡比丘分毗尼
藏爲五部也故迦葉阿難末田和修毘多五師體權
通道故不分教毘多有五弟子各執一見遂分如來
一大律藏大集爲五部焉大集曇無德亦名曇摩毘多此云法密隱
我涅槃後我諸弟子受持如來十二部經書寫讀誦
顛倒宣說以倒說故隱覆法藏入名曇摩毘多法名
四分天音大集薩婆多實此云一切有此部計三世有
折埵理大集薩婆多實三性悉得受戒大集云而
復讀誦書寫外典受有三世及以內外破壞外道善
能論義說一切性悉得受戒允所問難悉能答對是

故名爲薩婆多法名十誦迦葉遺此云重空觀大集云說無
猶如死屍是故名爲迦葉遺法名解脫此有戒本大集同五分
觀大集云不作地相水火風相彌沙塞此云不

虛空識相名弥沙塞法名五分婆蹉讀富羅

翻子上古有仙染續生子自後種姓皆名續子此部
計我非是即蘊亦不離蘊而有實我律本不來大集
云皆說有我不說空相猶如小兒是故名爲婆蹉富羅

大集云廣博偏覽五部經書是故名爲摩訶僧祇此
有律本首疏云總別六部僧祇是總前五是別此僧

祇部衆行解虛通不生偏執偏順五見以通行故故知是揔遺教三昧下卷經云佛在世時衆僧唯著死人雜衣因羅旬喻分衛空還佛知其宿行使衆僧分律爲五部服色亦五種令其日隨一部中行遂制儀則各舉所長名其服色曇無屈多迦部通達理味開導利益表發殊勝應著赤色衣非南方之赤薩婆多部博通敏達導以法化應著白衣非北方之黑迦葉遺部精勤勇猛快攝衆生應著木蘭色衣弥沙塞部思入玄微究暢幽密應著青色衣非東方之青摩訶僧祇部勤學衆經宣講真義以處本居中應著黃色衣非中方之色自爾之後便得大食斯以五色之衣用彰五部之相

論開八聚篇第四十二

別明論藏
附出衆題

犍度

正音婆捷圖此云法聚如八犍度以分一
部為八聚故以氣類相從之法聚為一段

一業犍度明三業二使犍度明百八煩惱三智明十
智四定明八定五根明根性六大明四大七見破六
十二見八雜謂小乘法大論問八犍度誰造六分阿
毗曇從何處出答佛在無央滅後百年阿輸柯王會
諸論師因生別部有利根者盡讀三藏欲解佛經作
八犍度後諸弟子為後人不能全解作略毗曇其初
造者即迦旃延瑜伽師地此云相應謂一切乘境行

師謂三乘行者由聞思等次第習行如是瑜伽一十七地

毘婆沙

此云廣解正云鼻婆

沙此云種種說又云分分說

毘婆沙

此云篋藏大

摠有三義廣說勝說異說

毘婆沙

論云毘婆沙有

三百一十萬言佛在世時大迦旃延之所造佛滅度後人壽轉減憶識力少不能廣誦諸得道人撰爲三

十八萬四千

毘婆沙

此云分

育多

言論未到此

毘婆沙

此云相應論

婆提

此云相應論

摩得勒伽

此云智母以生智故菩薩入此三昧

作論申經儒家以析理精微名論釋氏申通辨論宗肯收束所說立爲十支一略陳名數支即百法論二

粗釋體義支即五蘊論此二天親所造三摠包衆義支即顯揚論四摠攝大乘義支即攝大乘論皆無著造五分別名數支即雜集論六離僻處中支即辨中邊論七摧破邪山支即二十唯識論八高建法幢支即三十唯識論九莊嚴體義支即大莊嚴論十攝散歸觀支即瑜伽論以茲十義疎條諸論各有流類斷可見矣是以宗極絕於稱謂賢聖以之冲默玄旨非言不傳釋迦以之致教約身口防之以律禁明善惡導之以契經演幽微辨之以法相此即明戒定慧之三學也

示三學法篇第四十三

安法師云世尊立教法有三焉一者戒律二者禪定

三者智慧斯之三者至道之由戶泥洹之關要戒乃
斷三惡之于將也禪乃絕分散之利器也慧乃濟藥
病之妙醫也今謂防非止惡曰戒息慮靜緣曰定破
惑證真曰慧什法師云持戒能折伏煩惱令其勢微
禪定能遮煩惱如石山斷流智慧能滅煩惱畢竟無
餘故遺教云依因此戒得生諸禪定及滅苦智慧南
山云但身口所發事在戒防三毒敦興要由心使今
先以戒捉次以定縛後以惠殺理次然乎通言學者
所以疏神達思怡情治性聖人之上務學猶飾也器
不飾則無以爲美觀入不學則無以有懿德若夫爲
學日益爲道日損損乏則道業踰高益乏則學功踰
遠故形將俗人而永隔心與世情而懸反所服唯是

三衣所食未曾再飯從師則千里命駕慕法則六時
精懇濯慮於八解之池怡神於七華之苑至如意安
道昇慧遠惠持赤鬚法主青眼律師弘經辨論講易
談詩開神悅耳折滯去疑揚名後代檀步當時或與
秦王而共輶乍將晉帝而同幃遂使桓玄再拜而弗
服郗超千臥而無詞爾乃行因已正方亭餘慶四梵
爭邀六天俱騁封畿顯敞國土華淨寶樹瓊枝金蓮
玉柄風含梵響泉流雅詠池皎若銀地平如鏡妙香
芬馥名華交映近感樂身遠招常命所以修學三法
之因得證五分之果故五分法身前三從因而顯德
後二就果以彰能盡智正習俱斷名解脫身無生智
了了覺照名曰知見若欲正辨三學應以七科道品

點歸三法以廣雖三十七品略但戒定慧三當知六度乃總舉三學是別說例如四禪八定之類也以菩薩急於化他故六度加施忍進由聲聞求於自度致三學唯戒定惠故大論以六度是爲衆生法三學是爲涅槃法又大論以六度是略說三十七品是廣說以解六波羅密好學之士如理思之

羅提木叉

戒疏云此翻解脫如論所引道戒名解脫也事戒名別脫也隨分果

德寄以明之道性虛通舉法類遣不隨緣別但名解脫事戒不爾緣別而生緣通萬境行亦隨徧據行凌犯即名得脫餘非未行不名解脫又律云木叉者戒也據能克果用日本因因實是戒非木叉也故經云

戒是正順解脫之本故名波羅提木叉明知是果故五分說分別名句木叉者舉果目教也記云道戒名解脫者即七支無表思也由斷惑得名故若戒事名解脫者則僧尼受戒隨對殺等事不行別無因別別無果故名別別解脫撫華曰此云別解脫謂三業七支各各防非別別解脫故

三昧

此云

調直定又云正定亦云正受圭峯疏云不受諸受名爲正受遠法師云夫稱三昧者何專思寂想之謂也思專則志一不分想寂則氣虛神朗氣虛則智恬其照神朗則無幽不徹斯二乃是自然之玄符用一而致用也是故靖恭閑字而感物通靈御心惟正動必入微此假修以凝神積効以移性云又諸三昧名質

甚多功高易進念佛爲先故天台止觀略明四種一常坐二常行三半行半坐四非行非坐一常坐者出行殊說文殊問兩般若名爲一行三昧身開常坐遮行住卧或可處衆獨居弥善居一靜室安一繩床九日爲一期結加正坐二常行出般舟三昧唯專行旋九十日爲期三半行半坐方等云施百二十巾却坐思惟法華云其人若行若立讀誦此經是人若坐思惟此經因非行非坐實通行坐南岳呼爲隨自意就此爲四一約諸經二約諸善三約諸惡四約諸無記輔行云所言常坐乃至非行非坐者約身儀爲名若從法爲名者常坐名一行常行名佛立半行半坐名方等法華非行非坐名隨自意等然此四種三昧

先達以事理二觀分四三昧義亦殊途四明法師因奉先清師謂光明玄十種三法純明理觀不須附事而觀法智破曰荆溪云如常坐等或唯觀理隨自意從未從事既云純明理觀乃是三種三昧專令於識陰修十乘也此文則顯四明以上三三昧爲理觀又指要云隨自意中修唯識觀觀於起心即約變造事用而說此文則四明以第四三昧修事觀也問準妙宗云常坐一種縱直觀理餘三三昧豈不兼事據此則顯四明以餘三三昧修事觀耶今謂此文非是正分占察事理二觀蓋爲孤山定義例三種觀法皆是理觀十六觀法乃是事觀遂不以義例三種收十六觀四明遂約四種三昧無不歷事觀三諦理乃顯從

行觀中尚有歷事之相此非占察事觀也問如妙宗云若常坐等直於三道之事而觀三諦不兼修善及縱惡事故受理名據此莫顯四明唯許常坐為理觀耶今謂餘三昧歷外境事故受事名非占察事觀常坐三昧唯觀內心故受理名非占察理觀問第四三昧橫開四科一諸經行法此須具收占察二觀荷故四明定隨自意唯修事觀荅占察事理二觀前三三昧既修理觀是故第四唯修事觀或云常坐是理餘三是事謂常行歷念佛事方等歷持咒事隨自意歷三性事或云上三三昧並諸經行法通理通事唯縱任三性專修事觀準荆溪云如常坐等或唯觀理則顯上三昧通修事觀此乃由昧二觀之相遂迷四種之行

或問止觀正宗法華荷故行相却通衆經答別明行相雖通衆典行者造修開歸法華故義例云是知四種三昧皆依實相實相是安樂之法四緣是安樂之行證實相已所獲依報名爲大果起教只是爲令衆生開示悟入指歸祇是歸於三軌妙法秘藏所以始末皆依法華即法華三昧之妙行也末底秦言慧若那秦言智智與於慧有異有同言其異者如肇師云史定審理謂之智造心分別謂之慧分別則從因立名決定乃從果立號故大論以道慧道種慧是因中揔別一切智一切種智是果上揔別輔行云言揔別者直語道慧一切智故故名為揔各加種故故名為別天台云善入佛法名惠巧用佛法名智

肇論鈔云智則知也慧則見也此約義異若通途說智祇是慧俱通權實及以因果故梵語般若此翻智慧合為一名不分二別今就義異以明慧學然宗鏡云我法俱空唯從識變第一心法能變有三一第八異熟識變二第七思量識變三第六了則識變以迷人空故起我見之愚受妄生死以迷法空故違現量之境障淨菩提既唯識變我法皆虛因此二空契會玄旨以我空故煩惱障斷以法空故所知障消煩惱障斷故證真解脫所知障斷故獲大菩提行滿因門心真果海境識俱寂唯一真空

辨六度法篇第四十四

如法華云為求菩薩道者說應六波羅蜜是以行施

乃盡命傾財持戒則防遮護性忍辱乃猶刀割水精精進則如救頭然禪那乃四儀湛寂智慧則一念圓明大願之心普被無作之道徧施度生死流登涅槃岸故曰六度也

檀那

法界次第云秦言布

施若內有信心外有福田有財物三事和合生捨法能破慳貪是爲檀那布施有二種一者財施二者法施財施者所謂飲食衣服田宅六畜奴婢珍寶一切已之所有資身之具及妻子乃至身命屬他為他財物故云捨身猶屬財施有所須者悉能施與皆名財施也法施者若從諸佛及善知識聞說世間出世間善法若從經論中聞若自以觀行故知以清淨心爲入演說皆名法施

戶

羅

此云清涼

大論云秦言性喜好行善道不自放逸是名戶羅經音義云此義譯也正翻止得謂止惡得善也又古師翻戒戒以防止為義能防惡律儀無作逸非止三業所起之惡故名防止大論曰云何為戒若惡止不更作若心生若口言若從他受息身口惡是為戒經音義梵言三婆羅此云禁戒戒疏云戒義訓警也警策三業遠離緣非明其因也優婆塞戒經云戒者名制能制一切不善法故又戒是約義訓義勒義纂要云約二百五十戒各有四威義合為一千循三世轉為三千將三千威義分配身口七支為二萬一千復約對治三毒及等。犀羣提此曰安忍法界次第云秦分成八萬四千。

犀羣提

言忍辱内心能安忍外所

辱境故名忍辱忍辱有二種一者生忍二者法忍云何名生忍生忍有二種一於供散供養中能忍不著則不生憍逸二於瞋罵打害中能忍則不生瞋恨怨惱是為生忍云何名法忍法忍有二種一者非心法謂寒熱風雨飢渴老病死等二者心法謂瞋恚憂愁疑嬌欲憍慢諸邪見等菩薩於此二法能忍不動是名法比梨耶法界次第云秦言精進欲樂勤行忍辱二種一者身精進二者心精進若身勤修善法行道體誦講說勸助開化是為身精進若心勤行善道心相續是為心精進復次勤修施戒善法是為身精進勤修忍辱禪定智慧是為心精進止觀引舊云精

進無別體。但督衆行義而推之應有別體。例無明通入衆使更別有無明。今且寄誦經勤策其心以擬精進晝夜不虧乃得滑利而非三昧。惠唯識論云勇捍爲性疏云勇而無怯自策發也。捍而無懼耐勞倦也。陳氏云精其心進其志大集佛言精進有二種。一始發精進二終成精進菩薩以始發精進習成一切善法以終成精進分別一切法不得自性。禪那此云法句經云若能心不起精進無有涯。禪那靜慮

智論云秦言思惟修言禪波羅蜜一切皆攝法界次第云禪有二種一者出世間禪二者出世間禪出世間禪者謂根本四禪四無量心四無色定即是凡夫所行禪出世間禪復有二種一出世間禪二出世間上上

禪出世間禪者謂六妙門十六特勝。通明九想八念十想八背捨八勝處。十一切處練禪十四變化願智頂禪無諍三昧三昧師子奮迅超越三昧乃至三明六通。如是等禪皆是出世間禪。出世間上上禪者謂自性等九種大禪淨名疏云佛心智鑒圓明豈煩思惟究竟無學豈得言修又離棄惡如來純淨之智何惡可棄故思惟等義皆是因也楞伽經明四種禪愚夫所行禪謂聲聞緣覺外道修行者觀入無我性自相共相骨鏹無常苦不淨相計著爲首。如是相不異觀前後轉進想不除滅是名愚夫禪。觀察義禪謂人無我自相共相外道自他俱無性已觀法無我彼地相義漸漸增進是名觀察義禪攀緣如禪謂

妄想二無我妄想如實處不生妄想是名攀緣如禪
入楞伽名觀真如禪如來禪謂入如來地行自覺聖皆三種樂
住成辦衆生不思議事是名如來禪頌曰允夫般

所行禪觀察相義禪攀緣如實禪如來清淨禪

般

若法界次第云秦言智慧照了一切諸法皆不可
得而能通達一切無闇名爲智慧大論云般若
定實相甚深極重智慧輕薄是故不能稱此生善故
不翻此六度法祖引經論以辨其相共立五義一對
治善戒經云謂慳惡瞋怠亂癡是所破之蔽二相生
善戒經云謂捨家持戒遇辱須忍忍已精進精進已
調五根根調故知法界又解深密經云能爲後後引
發故謂諸佛菩薩若於身財無所顧惱便能受持清

淨禁戒爲護戒故便修忍辱修忍辱已能發精進發
精進已能辨靜慮辨靜慮已便能獲得出世間慧是
故我說波羅蜜多如是次第三果報善戒經云富具
色力壽安辯又餘經云施報富戒報善道忍報端正
進報神通禪報生天智破煩惱無著論云有二種果
謂未來現在未來果者檀得大福尸羅得自身具足
謂釋梵等羼提得大伴助大眷屬毗黎耶得果報等
不斷絕禪得生身不損壞般若得諸根猛利及多諸
悅樂於天人大衆中得自在等現在果者得一切信
敬供養及現法涅槃等四互攝者弥勒頌云檀義攝
於六資生無畏法是中一二三名爲修行住此檀攝
六度也又菩提資糧論云既爲菩薩母亦爲諸佛母

般若波羅蜜是覺初資糧覺是菩提六度是菩提資糧般若爲初耳施戒忍進定及此五之餘方便願智力皆由智度故波羅蜜所攝此乃般若攝於六度初後既爾中四例知五譬喻華嚴云菩薩摩訶薩以般若波羅蜜為母方便善巧爲父檀波羅蜜爲乳母尸羅波羅蜜為養母忍波羅蜜為莊嚴具勤波羅蜜為養育者禪波羅蜜為浣濯人善知識為教授師一切菩提分爲伴侶一切善法爲眷屬一切菩薩爲兄弟菩提心爲家如理修行爲家法諸地為家處諸忍爲家族大願爲家教滿足諸行為順家法勸發大乘爲紹家業法水灌頂一生所繫菩薩爲王太子成就菩提爲能淨家族六分開者六度通大小十度唯在大一往亦通藏通兩教

以權立三智故言十度者於禪中有願智力故開願度有神通智開出方便度有一道種智開出智度一切智守本般若名

波羅蜜

大論又云

阿羅蜜秦言遠離波羅蜜秦言度彼岸此二音相近義相會故以阿羅蜜釋波羅蜜天台禪門云一者諸經論中多翻到彼岸生死爲此岸涅槃爲彼岸煩惱爲中流菩薩以無相智慧乘禪定舟航從生死此岸到涅槃彼岸故知約理定以明波羅蜜二者大論別翻事究竟即是菩薩大悲爲衆生偏修一切事行滿足故三瑞應經翻度無極通論事理悉有幽遠之義合而言之故云度無極此約事理行滿說波羅蜜

波羅伽 大論秦言度彼岸華嚴云以波羅密船
於生死流中不依此岸不著彼岸不住

中流而度衆生無有休息

釋十二支篇第四十五

惑業互資因緣交助三世猶若環旋六道喻如輪轉
凡夫沉迷色心永執聖人超悟生死霜融剪荆棘林
五因頓息斷牽連索七果咸亡故尼陀那此云
此十二支法爲中乘之達觀也

什曰力強爲因力弱爲緣肇曰前緣相生因也鬼相助成緣也生曰因謂先無其事而從彼生也緣謂素有其分而從彼起也故因親而緣疎緣覺根利通觀三世有因有緣是名因緣初觀過去無明緣行言無

明者不了法界邪見妄執常在闇冥故曰無明因煩惱惑起於三業造作諸法故名爲行由茲惑業感現五果識緣名色六入觸受所謂從行生心投入母腹流愛爲種納想在胎分別諸法此名曰識識但有名凝滑屬色四七漸堅故號名色六根開張名爲六入從出母胎至三四歲對緣取塵未別苦樂名之爲觸從五六歲至十二三受覺苦樂中庸三境既能了別故名爲受復從果報起愛取有三支惑業成現在因從十四五至十八九貪種種境如渴求飲故名爲愛十九已後年既長大貪欲轉盛不藉身命能有所取故名爲取愛取體同勝劣有異馳求諸境起善惡業牽生三有故名爲有由此因故惑於未來二種果報

謂生老死後陰始起故名爲生住世裏變故名爲老
最後敗壞故名爲死是十二法展轉能感果故名因
互相由藉而有曰緣因緣相續則往還無際若了無
明生死自息是爲緣覺出世之要術也

明四諦法篇第四十六

法界次第云通言諦者諦以審實爲義此四諦法正
爲聲聞人從聞生解故必須藉教詮理不虛故云審
實也若由因感果則應先因而後果今悉先果而後
因者教門引物爲便前二諦是世間之法令知苦以
斷集故先果而後因後二諦是出世間之法使爲滅
以修道亦先果而次因佛滅八百年如意論主王禮
爲師立先因後果義云集苦是有漏因果道滅是無

漏因果外道破云汝師出世說苦集滅道何以弟子
說集苦道滅有違師之遇如意救曰佛在世日對不
信因果人說先果後因我今順因果說亦不相違此
時外道朋黨熾盛衆中無證義人王賜外道金七十
兩封外道論爲金七十論如意墮負嚼舌而終至九
百年世親披外道論果見如意墮負遂造論輒論式
等上王救如意論主王加珍敬賜世親金七十兩封
爲勝金七十論王縛草鞭屍表外道邪宗屍爲出血
故出家者宜應曉了四諦教門
因果二法前後之義慎勿惑焉

豆法

或伊祿晉云
苦法界次第

云苦以逼惱爲義一切有爲心行常爲無常患累之
所逼惱故名爲苦苦有三種一苦苦二壞苦三行苦

今明三苦有別有通別者三苦即別對三受苦受從
苦緣生情覺是苦即苦苦也樂受樂壞時生苦即是
壞苦不苦不樂受常為無常運動即是行苦若通論
三苦則三受通有三苦所以然者三受之心即是苦
通從苦緣生故通是苦苦三受之心通為壞相所壞
故通是壞苦三受之心通是起役運動不停之相故
通是行苦行以遷流為義故楞嚴云譬如瀑流波浪
相續前際後際不相踰越古德頌行苦密遷云如以
一睫毛置掌人不覺若安眼睛上違害極不安愚人
如手掌不覺行苦遷智者如眼睛違極生厭患智論
云無量衆生有三種身苦老病死三種心苦貪瞋癡
三種後世苦地獄餓鬼畜生法句經云昔四比丘論

世苦事一云媱慾惱久一云飢渴逼體一云瞋恚擾
亂一云驚怖恐懼各執已是競謂他非佛知遂問比
丘具答佛言汝等所論不究苦義身為諸苦
之本衆患之原當求寂滅此最為樂

三年

提耶

或彌陀晉云集法界次第云集以招聚為義

故名

尼樓陀

或娑陀晉言滅法界次第云滅以為集

為集

末伽

或槃那晉云道法界次第云道以能

名為滅

七道品三解脫門緣理慧行名為正道二助道者得
解觀中種種諸對治法及諸禪定皆是助道此二相

扶能通涅槃故名爲道此四華梵出賢愚經毗曇云
佛為四王作聖語說四諦二解二不解又作毗陀語
一解一不解又作梨車語說四王俱解故知四諦名
非一槩此四諦法若以藥病區揀苦集是世間因果
此屬於病道滅是出世間因果此當乎藥若以真俗
甄別則有三義一者四諦俱真如涅槃云我昔與汝
等不見四真諦是故久流轉生死大苦海二者四諦
俱俗止觀云滅尚非真三諦焉是三者一真三俗勝
鬘云此四聖諦三是無常一是常又云是故苦諦集
諦道諦非第一義諦非常非依一苦滅諦離有相者
是常又涅槃經明於四諦凡有四種一生滅四諦二
無生四諦三無量四諦四無作四諦勝鬘經中亦明

四種一有作四諦二有量四諦三無作四諦四無量
四諦但此二經詮次少異荆溪問曰何故立此四種
四諦之殊答諦本無四諦只是理理尚無一云何有
四故知依如來藏同體權實大悲願力隨順物機不
獲已而用之機宜不同致法差降從一實理開於權
理權實二理能詮教殊故有四種差別教起三藏詮
生滅通教詮無生別教詮無量圓教詮無作是故天
台明四種四諦之法也

止觀三義篇第四十七

實相體寂因元靜乃稱止本覺靈照由常明故曰觀
妄風俄動假妙奢摩他而止之心珠久昏須毗婆舍
那而觀矣摩訶止觀釋名章中初共通三德二各開

三義今依彼論分列

梵語

初標共通奢摩他

此云止涅槃經云
奢摩他名爲能滅

能滅一切煩惱結故又名能調能調諸根惡不善法故又曰寂靜能令三業成寂靜故又曰遠離能令衆生離五欲故又曰能清能清貪欲瞋恚

愚癡三濁法故以是義故故名定相

毗婆舍

那此云觀涅槃云毗婆舍那名爲正見亦名了見名爲能見名曰徧見名次第見名別相見是名

慧憂畢叉此云止觀平等涅槃云憂畢叉者名

行是名爲捨止觀云若用兩字共通三德者止即是斷斷通解脫觀即是智智通般若止觀等者名爲捨

相捨相即是通於法身起信論云所言止者謂止一切境界相隨順奢摩他觀義故所言觀者謂分別因緣生滅相隨順毗鉢舍那觀義故永嘉集云以奢摩他故雖寂而常照以毗婆舍那故雖照而常寂以優畢叉故非照而非寂照而常寂故說俗而即真寂而常照故說真而即俗非寂而非照故杜口於毗耶長者子六過出家經佛告僧伽羅摩比丘汝當行二法止觀覓也僧伽摩羅白佛言甚解世尊佛言我取要而說云何言甚解耶僧伽摩羅言止者諸結永盡觀者觀一切法佛言善哉

二明各開初列三止

妙奢摩他

即體

三摩

即方便禪

禪那

即息

二邊

三摩提作

分別止名出楞嚴資中云準圓覺經奢摩他以寂靜爲相三摩提以幻化爲相禪那俱離靜幻二相然此二經天台出時經皆未到而止觀中豫立其義故止觀二字各開三義一體真止二方便隨緣止三息二邊分別止又云此三止名雖未見經論映望三觀隨義立名其相云何體無明顛倒即是實相之真名體真止如此實相徧一切處隨緣歷覽安心不動名隨緣方便止生死涅槃靜散休息名息二邊止孤山釋曰今阿難雖專請於止以即一而三故此止即觀亦即平等三一互融是以稱妙妙故方曰楞嚴大定今於一止復有三名奢摩他即體真止止於真諦奢摩他謂於染淨等境心不妄緣故三摩提亦曰三摩鉢底

此云等持即方便隨緣止止於俗諦三摩提皆論云皆名三摩提秦言正心行處是心從無始來常曲不端得是正心行處心則端直譬如地行常曲入竹筒則直上翻等持者謂離沉棹禪那此云靜慮即息二邊曰等令心住一境性曰持天台三止配今分別止止於中道三名者得經之深也何則止屬於今定觀屬於惠阿難本以多聞小惠自咎正以楞嚴大定爲請非三止而何況三摩禪那顯是定名雖此定即惠而所次明三觀主從二別

謂空假中

荊溪臨終顧命衆曰一念無相謂

謂之中章安云天台傳南岳三種止觀一漸次二不定三圓頓皆是大乘俱圓實相同名止觀漸則初淺後深如彼梯陞不定前後更互如金剛寶置之日中圓頓初後不二如通者騰空爲三根性說三法門雖

白師資相傳原本皆出佛經故次第三觀如瓔珞上云從假入空觀亦名二諦觀從空入假觀亦名平等觀因是二空觀爲方便得入中道第一義諦觀此名次第三觀又下卷云時佛頂髮放一切光復集十方百億佛土佛菩薩衆即於衆中告文殊普賢法慧功德林金剛幢金剛藏善財童子汝見是衆中敬首菩薩問三觀法界諸佛自性清淨道一切菩薩所修三觀法門不汝等各領百萬大衆皆應修學如是法門又中論云因緣所生法我說即是空亦名爲假名亦是中道義此皆一心三觀之明文也余昔率肆有此教授無訪問日經云作是觀讀者名爲正觀讀呼此二音義云何辨余即答曰觀者詮其體一標能想之心觀默顯其用希召所對之境故曰然此各開三義全異涅槃共通以觀觀旨即旨而朗然

三德由昔混同故今分列
衆善行法篇第四十八

四悉被物衆善隨宜四門之路有殊一乘之果無別種種正行皆斷萬劫之愛繩一一助道盡破千生之塵網今搜梵語略注宋言欲具悉檀

南岳師以悉檀例大涅槃

華梵兼稱悉是華言檀是梵語悉之言偏檀翻爲施佛以四法偏施衆生故名悉檀妙玄云世界悉檀歡喜益爲人悉檀生善益對治悉檀破惡益第一義悉檀入理益妙樂云則前二教及別地前但屬三悉引入今經第
一義悉僧那

此云弘誓肇論云發僧那於始心終大悲以赴難此名字發心也仁

王云十善菩薩發大心長別三界苦輪海此相似發心也華嚴云初發心時便成正覺此分證發心也言弘誓者天台云廣普之緣謂之弘自制其心謂之誓志求滿足乃稱願大士曠懷運心廣普依無作四諦之境起四種弘誓之心初依瓔珞未度苦諦今度苦諦六道受分段之苦三乘沈麁易之苦當了陰入皆如無苦可捨口發言曰衆生無邊誓願度次依瓔珞未解集諦令解集諦四住煩惱潤有漏業無明煩惱潤無漏業當了塵勞本淨無集可除口發言曰煩惱無數誓願斷三依瓔珞未安道諦令安道諦智慧越苦海之迅航戒定通秘藏之要道當了邊邪是中無道可修口發誓云法門無盡誓願學四依瓔珞未得

滅諦今得滅諦佛陀是無上之世尊涅槃乃最勝之妙法當了生死即是涅槃口發誓云佛道無上誓願成仰觀大觀積劫度生都無懈倦者為滿本地之願也

僧涅一云僧那大鑑誓僧涅自誓

一云僧那言鑑僧涅言著名著大鑑亦云莊嚴故大品云大誓莊嚴正言彌那訶此云甲彌捺陁此云被或云衣於謂被甲衣甲也

毘跋耶斯此云四念處即是境智論釋曰初習善法爲不失故但名念能轉相轉心故名爲想決定智無所疑故名智大經云更有新醫從遠方來曉八種術謂四枯四榮言四枯者人於五陰起四倒見於色計淨於受計樂想行計我心起常見

故令修四念處破其四倒初觀身不淨一切色法名之爲身已名內身眷屬及他名外身若已若他諸外身此三種色大論明五種不淨一生處是身爲臭穢不從蓮華生亦不從薺蕷又不出寶山二種子不淨是身種不淨非餘妙寶物不由淨白生父母邪想有三自性不淨地水火風質能變爲不淨傾海洗此身不能令香潔四自相不淨種種不淨物充滿於身內常流出不止如漏囊盛物五究竟不淨審諦觀此身終必歸死處難御無反復背恩如小兒二觀受是苦意根受名內受五根受名外受六根受名內外受於一根有順受違受不違不順受於順生樂受於違生苦受於不違不順生不苦不樂受樂受是壞苦苦

受是苦不受樂受是行苦諸受麤細無不是苦三觀心無常心王不住體性流動今日雖存明亦難保山水溜斲石光若不及時後悔無益四觀法無我法名輒則有善法惡法無記法人皆約法計我我能行善行惡行無記此等法中求我決不可得龜毛兔角但有名字實不可得故經云起唯法起滅唯法滅但是陰法起滅無人無我衆生壽命是名無我此說別相念處揔相念處者緣一境揔爲四觀此中應四句料簡一境別觀別如上二境別觀揔三境揔觀別別說此二是總相念處之方便四境觀俱揔是揔相念處若作一身念處觀或揔二陰乃至揔五陰是名境揔觀別也受心法念亦復如是阿毗曇中明三種念處謂性共緣對

破三種外道四教義云一性念處智論云性念處是智慧性觀身智慧是身念處受心法亦如是解者不同有但取慧數爲智慧性即是性念處南岳師解觀五陰理性名性念處故雜心偈是身不淨相真實性常定諸受及心法亦復如是說二共念處智論云觀身爲首因緣生道若有漏若無漏受心法念處亦如是解者不同有師解云共善五陰諸善心數法合明念處若南岳師解即是九想背捨勝處諸對治觀門助正道開三解脫故名爲共念處故經云亦當念空法修心觀不淨是名諸如來甘露灌頂藥三緣念處有師解通一切所觀境界皆名緣念處觀有言十二因緣境有言慈悲所緣境若南岳師解緣佛教

說所詮一切陰入界四諦事理名義言語音詞因果體用觀達無礙能生四辯於一切法心無所礙成無礙解脫是緣念處觀也明小乘竟若依大乘以明四榮如後分云阿難如汝所問佛涅槃後依何住者阿難依四念處嚴心而住觀身性相同於虛空名身念處觀受不在內外不住中間名受念處觀心但有名字名字性離名心念處觀法不得善法不得不善法名法念處華手經云一切諸法皆名念處何以故一切諸法常住自性無能壞故斯乃即法是必毗必柯摩心即心是法皆同一性性豈能壞乎

羅阿佚多

此云正勤斯有四法法界次第云一已生惡法爲除斷一心精勤四

念處觀時若懈怠心起五蓋等諸煩惱覆心離信等五種善根時如是等惡若已生爲斷故一心勤精進方便除斷令盡也二未生惡法不令生一心勤精進四念處觀時若懈怠心及五蓋等諸煩惱惡法雖未生恐後應生遮信等五種善根今爲不令生故一心勤精進方便遮止不令得生也三未生善法爲生一心勤精進四念處觀時信等五種善根未生爲令生故一心勤精進方便修習令信等善根生也四已生善法爲增長一心勤精進若四念處觀時信等五種善根已生爲令增長故一心勤精進方便修習信等善根令不退失增長成就此四通名正勤者破邪道於正道中勤行故名正勤也

摩奴

是若

此云如意法界次第明四如意足一欲如意足欲爲主得定斷行成就修如意足

是爲欲如意足二精進如意足精進爲主得定斷行成就修如意分是爲精進足三心如意心爲主得定斷行成就修如意足四思惟如意足思惟爲主通言如意者四念處中實智慧四正勤中正精進精進智慧增多定力小弱得四種定攝心故智定力等所願皆得故名如意足智定若等能斷結使故云斷行成就沙羅此云力陰持入經云彼力應以何爲義也答無能得壞爲力義有所益爲力義有膽爲力義能得依爲力義增一阿含說六種力小兒以啼爲力女人以瞋爲力沙門婆羅門以忍辱爲力

阿羅漢以精進為力云又因人五力佛果十力因人五力者一信力二精進力三念力四定力五慧力五根
七覺支八正道見法界次第大論釋曰信根得力則能決定受持不疑精進力故雖未見法一心求道不惜身命不休不息念力故常憶師教善法來聽入惡法來不聽入如字門入定力故攝心一處不動以助智慧智慧力故能如實觀諸法實相佛果十力者今述頌曰是處非處二業力定根欲性至處道宿命天眼十漏盡具釋大論八十八論問佛十力者若揔相說佛唯一力所謂一切種智力若別相說則千萬億種力隨法為名今何以但說十力答佛實有無量智力但以衆生不能得不能行故不說是十力可度衆生事辨故說

十力論問佛有十力菩薩有不答有何者一發一切智心堅固力二不捨衆生大慈力三具足大悲力四信一切佛法精進力五思行禪定力六除二邊智慧力七成就衆生力八觀法實相力九入三解脫門力十無礙

智力

尼祇

此云願志求滿足曰願智論有二種

得願者有人欲量虛空盡其邊際及求時方邊際如小兒見水中月鏡中像如是等願皆不可得可得願者鑽木求火穿地得水修福得人天中生及得阿羅漢辟支佛果乃至得諸佛法王如是等皆名可得願願有下中上下願令致今世樂因緣中願後世樂因緣上願與涅槃樂因緣智論問佛在世時衆生尚有

飢餓天不降雨衆生困弊佛不能滿一切衆生之願
云何菩薩能滿其願答菩薩住於十地入首楞嚴三
昧於三千大千世界或時現初發意行六波羅密乃
至或現出家成佛利益如是何況於佛而佛身有二
種一者真身二者化身衆生見佛真身無願不滿智
論問諸菩薩行業清淨自得淨報何以要須立願然
後得之譬如田家得穀豈復待願答作福無願無所
樹立願爲導御能有所成譬如銷金隨師而作金無
定也又莊嚴佛界事大獨行功德不能成故要須願
力譬如牛力雖能挽車要須御者能有所至淨世界
願亦復如是故古德曰有行無願

其行必孤有願無行其願必虛

薩婆迦摩

翻樂

欲好樂希須也淨名疏云根是過去欲是現在性是
未來若過去善根牢固成就今生對緣則起此是因
根成欲若過去善根未牢今生遇緣起欲數習成性
故云性以不改為義荆溪釋云習欲成性性在未來
由性成欲性在過去智論云隨所欲說法所謂善欲
隨心為說如船順流惡欲以苦切語教如以楣出楣
是故智中佛悉徧知無能壞無能勝事鈔云允作法
事必須身心俱集方成和合設若有緣不開心集則
機教莫同將何拔濟故聽傳心口應僧前事方能彼
此俱辨緣此故開與欲說云大德一心念某甲比丘
如法僧事與欲清淨一說便止其受欲者應至僧中羯磨
者言不來者說欲即具修威儀說云大德僧聽某甲

比丘我受彼欲清淨彼如法僧事與欲清淨

浮曇末

此云至誠十六觀經云發三種

心即便往生何等爲三一者至誠心二者深心三者迴向發願心疏釋至誠心云即實行衆生至之言專誠之言實禮記日志之所至者到也易注曰存其香感于神明忝緣非馨明德惟馨釋深心云佛果高深發心求往故云深心亦從深理生亦從厚樂善根生妙宗云今初至誠疏以專實釋之非念真如豈名專實解於深心疏雖三義而不相捨求高深果須契深理善契深理須厚樂善根此乃立行依理求果也不出彼論樂集一切諸善行也經迴向發願心義當彼論大悲拔苦起信云信成就發心者略說有三種一直心正念真

如故二深心樂集一切諸善行故

懺摩

此翻悔過義淨

師云懺摩西音忍義西國人誤觸身云懺摩意是請恕願勿瞋責此方誤傳久矣難可改張應法師云懺訛略也書無懺字正言叉摩此云忍謂容恕我罪也天台光明釋懺悔品不辨華梵但直釋云懺者首也悔者伏也如世人得罪於王伏款順從不敢違逆不逆爲伏順從爲首行人亦爾伏三寶足下正順道理不敢作非故名懺悔又懺名自法悔名黑法黑法須悔而勿作白法須企而尚之取捨合論故言懺悔又懺名修來悔名改徃徃日所作不善法鄙而惡之故名爲悔徃日所棄一切善法今日已去誓願勤修故

名為懺棄往求來故名懺悔又懺名披陳衆失發露過咎不敢隱諱悔名斷相續心厭悔捨離能作所作合棄故言懺悔又懺者名慚悔者名愧慚則慚天愧則愧人人見其顯天見其冥冥細顯麤麤細皆惡故言懺悔淨名疏云今明罪滅有三一作法懺二觀相懺三觀無生懺作法懺滅違無作罪依毗尼門觀相滅滅性罪此依定門觀無生懺滅妄想罪此依慧門復次違無作罪障戒性罪障定妄想罪障慧作法懺者如律所明作法成就能滅違無作罪而性罪不滅大論云如比丘斬草害命二罪同篇作法懺二無作滅害命不滅雖違無作滅性罪未滅觀相懺者如諸方等經所明行法見罪滅相菩薩戒云若見光華種

種好相罪便得滅若不見相雖懺無益若見好相無作及性二罪俱滅觀無生懺者此觀成時能除根本妄惑之罪如拔樹根枝葉自滅普賢觀云一切業障海皆從妄想生若欲懺悔者端坐念實相衆罪如霜露慧日能消除地底迦此云有愧涅槃經云諸佛世尊常說是言有二白法能救衆生一慚二愧慚者自不作罪愧者不教他作慚者內自羞耻愧者發露向人雜阿含經云世間若無有慚愧二法者違越清淨道向生老病死百法疏云慚者依法力崇重賢善爲性對治無慚止息惡行為業愧者依世間力輕拒暴惡爲性對治無愧止息惡行為業阿毗達磨論云慚者謂於諸過惡自羞為體愧者

於惡羞他為體涅槃經云智者有二一者不造
諸惡二者作已懺悔愚者亦二一作罪二覆藏

波

沙婆提伽

或云梵摩此云清淨葛洪字苑梵潔也
取其義耳大論云雖為一切衆生是心

不清淨不知已身無吾我不知取者無人無主不知
所施物實性不可說一不可說異於是三事心著是
爲不清淨寶性論云一自性清淨謂性淨解脫二離
垢清淨謂障盡解脫大論云畢竟空即是畢竟清淨

以人畏空

羯磨

南山引明了論疏翻為業也所
故言清淨

羯磨

作是業亦翻所作百論云事也

若以義求翻為辦事謂施造遂法必有成濟之功焉
天台禪門翻爲作法一切羯磨須具四法一法二事

三人四界第一法者羯磨三種一心念法發心念境
口自傳情非謂不言而辨前事二對首法謂各共面
對同秉法也三衆法四人已上秉於羯磨以三羯磨
通前單白故云白四律云若作羯磨不如白法作白
不如羯磨法作羯磨如是漸漸令戒毀壞以滅正法
隨順文句勿令增減僧祇云非羯磨地不得行僧事

布薩

大論秦言善宿南山此云淨住淨身口意如
戒而住六卷泥洹翻云長養長養二義一清

淨戒住二增長功德雜舍云布薩婆陀若正本音優
補陀婆優言斷補陀婆言增長國語不同律云布薩
法一處名布薩捷度即說戒也應法師云此名訛略
應言鉢囉常提舍耶窯此云我對說謂相向說罪也

舊云淨住乃義翻也事鈔云若衆大聲小不聞說戒令作轉輪高座立上說之此則見而不聞也又如多人說戒何由併得見作法者面此則聞而不見也善見曰云何得知正法久住若說戒法不壞是摩得伽云布薩者捨諸惡不善法及諸煩惱有受證得白法究竟梵行事故名也又云半月半月自觀身從前半月至今半月中間不犯戒耶若有犯者於同意所懺悔毗尼母云若犯七衆不淨人前應止不說戒即律文云犯者不得聞戒不得向犯者說等四分若說戒日無能誦者當如布薩法行籌告白差一人說法誦經餘諸教誠誦遺教亦得若全不解者律云下至一偈諸惡莫作衆善奉行自淨其意是諸佛教阿含如解

是作已不得不說若不解者云謹慎莫放逸便散並是佛之囑累僧祇云欲得五事利益當受持此律何等爲五一建立佛法二令正法久住三不欲有疑惑請問他人四僧尼犯罪者爲依怙五欲游化諸方而無有礙四分持律人得五功德一戒品牢固二善勝諸慾三於衆中決斷無畏四有疑悔者能開解五善持毗尼令正法久住明了論解云本音那耶略言毗尼摩耶經云樂好衣服縱逸嬉戲奴爲比丘婢爲比丘尼不樂不淨觀毀謗毗尼袈裟變白不受染

安居

南山云形心攝靜曰安要

期住此曰居靜處思微道之正軌理須假日追功策進心行隨緣託處志唯尚益不許馳散亂道妨業故

律通制三時意存據道文偏約夏月情在三過一無事游行妨修出業二損傷物命違慈寔深三所爲旣非故招此謗以斯之過教興在茲然諸義不無指歸護命故夏中方尺之地悉並有蟲故正法念經云夏中除大小便餘則加趺而坐事鈔問何爲但結三月者一生死待形必假資養故結前三月開後一月爲成供身衣服故二若四月盡結則四月十六日得成若有差脫便不得結教法太急用難常準故如來順物始從十六日至後十六日開其一月續結令成今但就夏亦有三時初四月十六日是前安居十七日已去至五月十五日名中安居五月十六日名後安居故律中有三種安居謂前中後也在處須無五過

一太遠聚落求須難得二太近城市妨修道業三多蚊蠍難或嗜齧人踐傷彼命四無可依人其人具五德謂求聞令聞已聞令清淨能爲訣疑能令通達除邪見得正見五無施主施飲食湯藥無此五過乃可安居鈔云允受日緣務要是三寶請喚生善滅惡者聽徃若請喚爲利三寶非法破戒有難雖受不成五百問云受七日行不滿七日還本界後更行不須更受滿七日已乃復重受鈔云縱令前事唯止一日皆須七日法律云不及即日還聽受七日去夏末一日在亦作七日法對首受法應具儀對比丘言大德一心念我某甲比丘今受七日法出界外爲某事故還來此中安居三說若事是半月一月者方應羯磨上之卷

具鵠

磨法

若受日者多同緣受者二人三人應一時羯磨

西域記云

覩貨邏國舊訛曰吐火羅國東阨葱嶺西

接波刺斯南大雪山北據鐵門氣序既溫疾疫衆多

冬末春初霖雨相繼而諸徒僧以十二月十六日入安居三月十日解安居斯乃據其多雨亦是設教隨

時也又云卽度僧徒依佛聖教坐雨安居或前三月或後三月前三月當此從五月十六日至八月十五日後三月當此從六月十六日至九月十五日前代

譯經律者或云坐夏或云坐臘斯皆邊裔殊俗不達中國正音或方言未融而傳譯有謬又曰卽度僧徒依佛聖教皆以室羅伐擎月前半一日入雨安居當此五月十六日以額濕縛庾闍月後半十五日解雨

安居當此八月十五日卽度月名依星而建古今不易諸部無差良以方言未融傳譯有謬分時計月致斯乖異故以四月十六日入鉢刺婆刺擎音義安居七月十五日解安居也

鉢刺婆刺擎

音義

指歸云譯爲隨意寄歸傳云允夏罷歲終之時此日應名隨意即是隨他於三事之中任意舉發說罪除懲之義舊云自恣者是義翻然則自恣之言涉乎善惡今局善也故事鈔曰九旬修道精練身心人多迷已不自見過理宜仰憑清衆垂慈誨示縱宣已罪恣僧舉過內彰無私隱外顯有瑕疵身口託於他人故云自恣摩得勒伽論云何故令自恣使諸比丘不孤獨故各各憶罪發露悔過故以苦言調伏得清淨故

自意喜悅無罪故也所以制在夏末者若論夏初創集將同期款九旬立要齊修出離若逆相舉發恐成怨諍遞相訟及廢道亂業故制在夏末者以三月策修同住進業時竟云別各隨方諸必有惡業自不獨宣障道深過義無覆隱故須請誨良在茲焉故律聽安居竟自恣此是自言恣他舉罪非為自恣為惡前明時節謂有閏月者依閏安居七月十五日自恣不依閏者依摩得伽中數滿九十日自恣若閏七月者取前月自恣非前夏安居者過閏已數滿九十日自恣若修道安樂延日自恣得至八月十五日然律中但明十四日十五日自恣及至給施衣中次第增中十六日自恣增三中三日自恣四分中云安居竟自

恣則七月十六日為定律又云僧十四日自恣尼十五日自恣此謂相依問罪故制異日及論作法三日通用克定一期十六日定若有難者如五百問中一月自恣事鈔問十五日自恣已得出界不答不得破夏離衣由夜分未盡故問此界安居餘處自恣得不答僧祇不得結罪又安居篇云四月十六日結者至七月十五日夜分盡訖名夏竟至明相出又四分云若後安居人從前安居者自恣住待日足事鈔問自恣竟得說戒不答依明了論先說戒後自恣四分云自恣即是說戒問自恣得在未受具戒人前作不答律中令至不見不聞處作羯磨自恣苦不肯避去僧自至不見聞處作之間安居竟須離本處不答安居

竟不去犯罪毗尼母云比丘安居已應移餘處若有緣不得去不犯若無緣者出界一宿還來不犯大集經云我滅度後無戒比丘滿閻浮提豫出家者宜警察之撫華鈔云諸經律中以七月十六日是比丘五分法身生來之歲則七月十五日是臘除也比丘出俗不以俗年爲計乃數夏臘耳增纏云臘接也謂新故之唱_蒲

或梵唱此云止若準律文唱匿如法交接

唱

或梵唱此云止若準律儀云如此齋禪國語翻為止

斷也又云止息由是外緣已止已斷爾時寂靜任爲法事也或婆陟訛也梵音婆賀師此云讚歎梵天之音善見云聽汝作唱唱言說之詞也法苑云尋西方之有唱猶東國之有讚讚者從文以結章唱者短偈

以流頌比其事義名異實同婆沙億耳以三契聲頌所解法佛讚善哉珠林齊僧辯能作梵契等音義云契之一字猶言一節一科也弘明集頌經三契道安法師集契梵音佛道論衡云陳思王幼含珪章十歲能文每讀經文流連嗟玩以為至道之宗極也遂製轉讀七聲昇降曲折之響壯之諷誦咸憲章焉嘗游魚山忽聞空中梵天之響清鶴哀婉其聲動心獨聽良久而侍御莫間植深感神理弥悟法應乃摹其聲節爲梵

唱撰文

波闍尼娑婆

呴

此云聲音法界次第云音者詮理之

聲謂之音佛所出聲凡有詮辯言辭清雅聞者無厭聽之無足能為一切作與樂拔苦因緣莫若聞聲之

益即是以慈修口故有八音一極好音二柔軟音三和適音四尊慧音五不女音六不誤音七深遠音八不竭音楞嚴云此方真教體清淨在音聞欲取三摩提實以聞中入大論云菩薩音聲有恒河沙等之數佛音聲所到無有限數如密跡經中所說目連試佛音聲極至西方猶聞佛音若如對面問若爾者佛常在國土聚落說法教化而闇浮提內人不至佛邊則不得聞何以知之多有從遠方來欲聽說法者故答佛音聲有二種一為口密音聲二為不密音聲密音聲先已說不密音聲至佛邊乃聞是亦有二種弟子一為出世聖人二為世間凡夫出世聖人如目犍連等能聞微密音聲凡夫人隨其所近乃聞大論云是

佛菩薩音聲有三種一者先世種善音聲因緣故咽喉中得微妙四大能出種種妙好遠近音聲所謂一里二里三里十里百千里乃至三千大千世界音聲徧滿二者神通力故咽喉四大出聲徧滿三千大千世界及十方恒河沙世界三者佛音聲常能徧滿十方虛空間若佛音聲常能徧滿今衆生何以不得常聞答衆生無量劫以來所作惡業覆是故不聞譬如雷電霹靂聾者不聞雷聲無減佛亦如是常為衆生說法如龍震大雷聲衆生罪故自不得聞聲有八轉一體二業三具四為五從六屬七於八呼七轉常用呼聲用稀故但云七也西域國法欲尋讀內外典籍要辭聲論八轉聲方知文義分齊一補沙此是直指

陳聲如人斫樹指說其人即今體聲二補盧移是所作業聲如所作斫樹故云業也三補盧崽拏是能作具聲如由斧斫故云具也四補盧沙耶是所為聲如爲人斫故云爲也五補盧沙額都是是從聲如因人造舍等故云從也從即所因故六補盧殺婆是所屬聲如奴屬主故云屬也七補盧鑛音戒是所於聲如客依主故云於也於即依義八禊補盧沙是呼召之聲故云呼也又諸咒中若二字合爲一聲名爲二合如云婆他及怛多等或以三字連聲合爲一字急呼之名爲三合如敦魯庵及拘盧奢等漢書曰聲者官商角徵羽也鉤隱圖云聲屬陽律屬陰揚子云聲生於日律生於辰也

鉢底婆

此云辯戈

辯說也展轉無滯故辯別也分明訣了故輔行明辯有四種謂義法詞樂說也義謂顯了諸法之義法謂稱說法之名字詞謂能說名之語言雖有此三必須樂說說前三也大品云從諸佛所聽受法教至薩婆若初不斷絕未曾離三昧行當得捷疾辯利辯不盡辯不可斷辯隨應辯義辯一切世間最上辯智論釋曰於一切法無礙故得捷疾辯有人雖能捷疾鉗根故不能深入以能深入故是利辯說諸法實相無邊無盡故名樂說無盡般若中無諸戲論故無能問難斷絕者名不可斷辯斷法愛故隨衆生所應而爲說法名隨應辯說趣涅槃利益之事故名義辯說一切世間第一之事所謂大乘是名卅間最上辯梁僧傳

云唱導所貴事有四焉一聲也非聲則無以警衆二辯也非辯則無以適時三才也非才則言無可采四博也非博則語無依據事鈔曰古云博學為濟貧會正記云故往之言也僧傳云學不厭博博則通矣子曰君子博學於文約之以禮亦可以弗畔矣夫鄭曰
不違也苟生而貧於學者懦夫也死而富於道者君子也是知博學濟識見之貧思益云於隨邪道衆生生大悲心令人正道不求恩報故名導師

槃

那寐 名出聲論或名槃談訛云和南皆翻我禮或云那謨悉羯羅此云禮拜今謂禮之與拜名有通局長短經曰禮者發也進退有度尊卑有分謂之禮禮記云禮也者猶體也體不備君子謂之不成

人故孔子云非禮勿視非禮勿聽非禮勿言非禮勿動是則允所施為皆須合禮此顯禮名通也白虎通云人之相拜者何所以表情見意屈節卑禮尊事者也拜之言服也故周禮明九拜此顯拜名局也若依釋氏如南山云四儀若無法潤乃名枯槁衆生故天台明四種三昧之法是知四儀法則名禮身業恭敬名拜此亦禮通拜局今此翻譯禮即是拜故大論云禮有三種一者口禮二者屈膝頭不至地三者頭至地是為上禮一口禮者如合掌問訊也觀音義疏云此方以拱手為恭外國以合掌為敬手本二邊今合爲一表不散誕專至一心僧祇律云禮拜不得如痴羊當相問訊爾雅云訊言也地持論云當安慰舒顏

先語平視和色正念在前問訊善見論云比丘到佛所問訊云少病少惱安樂行不二屈膝者即互跪也音義指歸云不合云胡跪蓋梵世遺種居五竺間葱嶺之北諸戎羌胡今經律多翻互跪以三處翫聳故名互跪即右膝著地也涅槃疏明三義一右膝有力跪能安久二右膝有力起止便易三右膝躁動著地令安若兩膝著地則名長跪毗奈耶云尼女體弱互跪要倒佛聽長跪三頭至地者即五體投地故大論云人之一身頭最爲上足最爲下以頭禮足恭敬之至輔行云準地持阿含皆以雙膝雙肘及頸至地名五體投地亦名五輪五處圓故又勒那三藏明七種禮一我慢禮謂依位次無恭敬心二唱和禮高聲喧

雜詞句混亂三恭敬禮五輪著地捧足殷勤四無相禮深入法性離能所相空觀五起用禮雖無能所普運身心如影普偏禮不可禮假觀六內觀禮但禮身內法身真佛不向外求中觀七實相禮若內若外同一實相三諦一境西域記云致敬之式其儀九等一發言慰問二俯首示敬三舉手高揖四合掌平拱五屈膝六長跪七手膝踞地八五輪俱屈九五禮投地允斯九等極唯一拜跪而讚德謂之盡敬舍利弗問經佛言作供養應須偏袒以便作事福田時應覆兩肩現田紋相不拜王論有五戒信士見佛不禮王曰何爲不禮曰恐損神故王曰但禮信士乃禮其神形儀粉碎又迦毘色迦王受佛五戒會神祠中禮神像自倒後守神

著作佛形像在神冠中王禮不倒怪而問之曰冠中有佛像王大喜知佛最勝而怒之又感通錄云唐蜀川釋寶瓊出家齋素讚誦大品本邑連比什邡並是米族初不奉佛沙門不入其鄉故老女婦不識者衆瓊思拔濟待其會衆便往赴之不禮而坐道黨咸曰不禮天尊非沙門也瓊曰邪正道殊所奉各異天尚禮我我何得禮老君乎衆議紛紜瓊曰吾若下禮必賈辱也即禮一拜道像連座動搖不安又禮一拜反倒狼籍在地迷惑合衆禮瓊一時回信梵網經云出家人法不向國王禮拜不向父母禮拜六親不敬鬼神不禮西域記云昔有德光論師天軍接見慈氏謂長揖不出家之形

問何緣不輕比丘普禮四衆荆溪釋曰菩薩化緣法無一準唯利是務故設斯儀見衆生理與果理等故禮生禮佛其源不殊欲令衆生生慕果願

果願者何我等但理彼尚故禮況證果理而不尊高又云汝等皆行菩薩道當得作佛豈非擊我令修圓因此紛現在順從者也問內懷不輕之解外敬不輕之境安棄飛禽之真性而忽走獸之本源乎答人識義方可以擊發異類無知徒勞勸信不禮之旨其在此歟不輕禮俗謹聞命矣何故方丈僧拜維摩故彼經曰維摩居士即入三昧令此比丘自識宿命發菩提心於是諸比丘稽首禮維摩詰足天台問曰出家何以禮俗答入道恩深碎身莫報此諸比丘方行大道豈存小儀又涅槃云有知法者若老若少故應供養恭敬禮拜入大乘論云被法服菩薩方便隨順得禮白衣敬之如佛是則法非一槩可否在人有益須

禮當亡身以奉法有損宜止應逆命以利君何哉赫連敦敦據有夏州兇暴無厭以殺爲樂繪像服身抑僧令拜遂爲上天雷震而死斯乃暴虐之主誠非聖明之君不遵付囑之言故違委寄之道寧知千聖立法萬古同風安以朝覲之禮而責山林南無或之士恐後進以未知遂濡毫而錄示

南無

那

謨或南摩此翻歸命要律儀翻恭敬善見論翻歸命覺或翻信從法華疏云南無大有義或言度我可施衆生若佛答諸佛度我義不便五戒經稱驚怖驚怖正可施佛也生死險難實可驚怖大品云佛言若有一人稱南無佛乃至畢苦其福不盡智論問曰云何但空稱名字便得畢苦其福不盡答是人曾聞佛功

德能度人老病死苦若多若少供養及稱名字得無量福此說稱佛功德華嚴云寧受地獄苦得聞諸佛名不受無量樂而不聞佛名所以於往昔無數劫受苦流轉生死中不聞佛名故大品云我得阿耨多羅三藐三菩提時十方過如恒沙等世界中衆生聞我名者必得阿耨多羅三藐三菩提智論問曰有人生佛世在佛法中或墮地獄如提婆達多俱迦梨訶多釋子等三不善法覆心故墮地獄此中云何言如恒河沙等世界但聞佛名便得道耶答有衆生福德淳熟結使心薄應當得道若聞佛名即時得道又復以佛威力故聞即得度譬如熟癰若無治者得小因緣而便自潰亦如果熟若無人取微風因緣便自墮落如新淨

白黠易為受
彌羅

此云慈淨覺云慈名愛念觀音玄義云以觀性德善愛樂

色佛名福

歡喜起大慈心欲與其樂大經明慈有三種一緣衆生觀一切衆生如父母親想二緣於法見一切法皆從緣生三者無緣不住法相及衆生相智論明三種慈一生緣慈者十方五道衆生中以一慈心視之如父如母如兄弟姊妹子姪知識常求好事欲令得利益安樂如是心徧滿十方衆生中如是慈名衆生緣多在凡夫人行處或有學人未漏盡者二行法緣者諸漏盡阿羅漢辟支佛是諸聖人破吾我相滅一異相故但觀從因緣相續生諸欲心慈念衆生時從和合因緣相續生但空五衆即是衆生念者五衆以慈

念衆生不知是法空而常一心欲得樂聖人愍之令隨意得樂爲世俗法故故名爲法緣三無緣者是慈但諸佛有何以故諸佛心不住有爲無爲性中不依止過去世未來現在世知諸緣不實顛倒虛誑故心無所緣佛以衆生不知諸法實相往來五道心著諸法分別取捨以是諸法實相智慧令衆生得之是名無緣
迦樓那此云悲淨覺記云悲曰愍傷觀音玄義云以觀性德惡惻愴憐憐愍起大悲心欲拔其苦悲亦三種名同慈觀音玄義云若就言說爲便初慈後悲亦是就菩薩本懷欲大慈與樂既不得樂次大悲拔苦故初慈後悲若從用次第者初以大悲拔苦方以大慈與樂又就行者先脫苦後

蒙樂故先
悲後慈

阿檀

或阿捺摩此云無我說文云我施
身自謂也華嚴云允夫無智執著

於我智論明二種一者邪我二者慢我言邪我者如輔行云未得禪來縱起宿習所有煩惱及因現陰起於我見仍屬鈍使初果所斷此推理見及發得見皆名邪我二慢我者如止觀云如諸蠕動實不推理而舉皺張眉怒目自大底下允劣何嘗執見行住坐卧恒起我心此是慢我大寶積經佛言迦葉譬如咽塞病即能斷命如是迦葉一切見中唯有我見即時能斷於智慧命地持經云世間受生皆由著我若離著我則無世間受生身處無著論云取自體相續為我想我所取為衆生想謂我乃至壽住爲命想展轉趣

於餘趣為人想大論云我者於陰界入計我我所若即若離人者謂於陰界入中謂我是行人衆生者於陰界入和合之中計有我生壽者於陰界入中計一期報若長若短輔行云我以計內人以計外衆生以續前為義壽者以趣後為能允夫既執我倒佛為二乘說無我法故智論号名字我如大乘入楞伽云自心所現身器世間皆是藏心之所顯現剎那相續變壞不停如河流如種子如燈焰如迅風如浮雲躁動不安如猿猴樂不淨處如飛蠅不知厭足如猛火無始虛偽習氣為因諸有趣中流轉不息如汲井輪種種色身威儀進止辭如死屍兜力故行亦如木人因機運動若能於此善知其相是名人無我智大論云

但於五衆取相故計有人相而生我心以我心故生我所我所心生故有利益我者生貪欲違逆我者而生瞋恚此結使不從智生從狂惑生是名為癡三毒爲一切煩惱之根本悉由吾我故作福德爲我後當得亦修助道法我當得解脫初取相故名爲想衆因吾我起結使及諸善行是名行衆是二衆則是法念處於想行衆法中求我不可得何以故是諸法皆從因緣生悉是作法而不牢固無實我法行如芭蕉葉葉求之中無有堅想如遠見野馬無水有水想但詭惑於眼我本空寂二乘既執四枯故佛於無我中而示真我故涅槃經明八自在一能示一身多身數如微塵二以塵身滿大千界三以大身輕舉遠到四現

無量類常居一國五者諸根互用六得一切法如無法想七說一偈經無量劫八身如虛空存沒隨宜不窮
阿蘭那 肇翻無諍又云寂靜坐禪三昧經云無諍者將護衆生不令起諍也什注淨名無諍有二一以三昧力將護衆生令不起諍心二隨順法性無違無諍

駄那演

此云靜慮婆沙論此定定慧平等餘定

那 此云靜慮婆沙論此定定慧平等餘定
缺少不名靜慮靜即定也慮即慧也

未陀

摩 本經注云末者莫義陀
摩者中義莫著中道也

比怛迦

此云尋

毘

遮羅 此云伺藏疏云尋謂尋求伺謂伺察心之鹿姓名之爲尋心之細性名之爲伺論云

入三摩地有三種一有尋有伺謂初禪及未至定也二無尋唯伺謂中間禪也大梵天即中間定力所感三無尋無伺謂二禪近分乃至非非想天尋伺亦名覺觀智論問有覺有觀爲一法爲是二法耶答二法麤心初念是名爲覺細心分別是名爲觀譬如撞鐘初聲大時名爲覺後聲細微名爲觀問曰如何毗曇說欲界乃至初禪一心中覺觀相應今云何言麤心初念名爲覺細心分別名爲觀答曰二法雖在一心二相不俱覺時觀不明了觀時覺不明了譬如日出衆星不現一切心心數法隨時受名亦復如是

三跋羅

此齋護即是無表思第六識相應善思

也又名無表色有止惡防非功能故云

護故金剛鈔明戒體克出

三跋致

晉言發趣或云至奏奏爲

體性即無表思一法也

達觀 聲婆須密論作檀觀此云財施解言報施之法名曰達觀導引福地亦名

達觀字或從手西域記正云達觀擎者右也或云馱器尼以用右手受人所施爲其生福故肇云夫以方會人不可以一息期以財濟物不可以一時周是以會通無隅者弥綸而不漏汰澤冥被者不易而普覆

周羅

立壯毗曇云闍浮人衣服莊嚴不同或有頂留一髻餘髻皆除名周羅髻應法師云此譯

爲小謂小髻也弘明集云削髮毀容事存高素辯親革愛意趣聖方祛嗜欲於始心忘形骸於終果何眷

戀於三界豈留連於六道哉薩婆多云剃髮剪爪是佛所制律云半月一剃此是怕式涅槃云惡比丘相頭鬚爪髮悉皆長利是破戒之相

式觀應卅廣說萬行之網目緬想契理唯唱四句之綱要故十二年略教戒曰諸惡莫作衆善奉行自淨其意是諸佛教妙玄釋曰諸惡即七支過罪輕重非違如是等惡戒所防止戒分性速主客又号新舊諸善乃善三業若散若靜前後方便支林功德悉是清升故稱爲善自淨其意者破諸邪倒了知此間出此因果正助法門能除心垢淨諸瑕穢豈過於慧佛法曠海此三攝盡但由觀機樂欲爲善不同應物隨宜示行有異或辨根性則分信法之殊或陳行相則列別圓之異

且根性信法者薩婆多云因聞入者是爲信行因思入者是爲法行曇無德云位在方便自見法少憑聞力多後時要須聞法得悟名爲信行憑聞力少自見法多後時要須思惟得悟名爲法行天台遠討根源久劫聽學久劫坐禪得爲信法種子其次行相別圓若妙玄引涅槃明五行一聖行謂戒定慧爲自行因二梵行謂慈悲喜捨爲因中化他此二是地前修行也垂裕記問諸文或云聖梵是因今何以梵行在果答聖梵二行並通因果對於天行以二爲因今云在果何所疑也三天行謂初地已上證第一義天天然之理由理成行故名天行垂裕記問天旣是證何名爲行答從天起行故名天行故天行位在於地住

四嬰兒行謂示同三乘七方便所修之行也五病行
謂示同九道之身現為三障之相此二皆是從果起
應之行淨名疏云嬰兒行從大慈善根而起病行從
大悲善根而起四教義云同生善邊名嬰兒行同煩
惱邊名爲病行然此五行若會三諦聖行是真諦梵
行嬰兒病行是俗諦天行是中諦又依法華釋圓五
行經云始來莊嚴而自莊嚴即圓聖行如來室即圓
梵行如來座即圓天行如來衣有二種柔和即圓嬰
兒行忍厚即圓病行大經云復有一行是如來行所
謂大乘大般涅槃此示行法之綱要也

翻譯名義集四

